

奉化縣境圖



江渡北

官江坊

北渡坊

常浦院

長安寺

南渡坊

廣濟院

七山坊

淨隱院

樺村坊

馬嶺廟

廣福寺

白杜坊

俞堰坊

浦口坊

淨名院

興聖院

大雲院

南渡舖

普安院

蓮華寺

福聖院

新嶺

福海院

無為院

東宿坊

虛白觀

酒稅務

鎮東樓

明化院

下壩坊

金溪鄉

離相院

解空院

惠政橋

奉化鄉

瑞峯院

報國院

廣教院

清福院

興化院

清涼院

磚瓦坊

法海院

法海院

雙溪舖

瑞相院

靈巖院

忠義鄉

降阻坊

宣安院

相照坊

樺林院

戰嶺

結塔廟

大悟空院

結塔寨

檀真院

長共相

崇勝院


尊勝院

結塔鎮

袁村坊

白石洋

四海舖



日

安隱院

隱潭洞

奉慈院

寶聖寺

沃昌院

淨業院

慈覺院

寶林院

江口坊

淨明院

千丈岳

證道院

蓮華院

龍華院

具山坊

垂鴻院

泉口坊

惠照院

禽孝鄉

嶠山坊

資福院

溪口坊

崇福院

大智院

小梅坊

上乘院

永固院

淨慧院

彌勒塔

移孝院

護教院

日鎮

廣化院

惠廟

法喜院

劉元鄉

公塘坊

公坑坊

惠月院

唐鼎坊

慈光院

演教院

城隍廟

奉化縣

縣學

田

登武院

昭石坊

護國院

資國院

靈濟泉

杜壇

慈氏院

靈隱院

連山鄉

定明院

連山坊

普明院

廣法院

華嚴院

松林鄉

金地院

松林坊

鎮亭廟

安住院


法源院

任全平

南

奉化縣治圖



東





園

山門



將容刊

坊

四明奉化縣志目錄

卷第一

叙縣

沿革論

境土

風俗

縣令

社稷

城隍

學校

城郭

坊巷

倉庫務場

公宇

官僚

驛鋪

叙山

叙水

渠堰與閘橋  
梁津渡附

叙產

卷第二

叙賦

鄉村

戶口

秋稅

商稅

叙兵

鎮市

夏稅

酒

雜賦

弓手

叙人 見郡志

叙祠

神廟

宮觀

寺院

叙遺

紀異

存古

四明奉化縣志目錄



四明志卷第廿四

奉化縣志卷第一

叙縣

沿革論

奉化縣本秦會稽郡鄞縣地漢志謂鄞有鎮亭  
鮎埼亭皆在焉今縣東五十里有鄞城山下有  
廣福院舊曰鄞城院即古鄞縣治所也隋廢鄞  
鄞二縣入句章唐初析句章置鄞州尋廢爲鄞  
縣隸越州古鄞地乃併屬于鄞開元二十六年  
析鄞縣置奉化隸明州是時州曰明郡曰奉化

詳見郡表又以郡名名縣貞元間為上縣凡十九鄉

皇朝景德三年始併為八鄉九域志為望縣

**境土**

東西一百七十里南北一百五里

東至鄞縣界七十里以藤嶺并道陳嶺為界自

界首至鄞縣五十里

西至紹興府嵊縣界一百里以陸照嶺為界自

界首至嵊縣一百四十里

南至台州寧海縣界六十里以柵虛嶺為界自

界首至寧海縣六十五里

北至鄞縣界四十五里以北渡大江爲界自界首至鄞縣三十五里

東南到象山縣界以鄞港中流白石山南港爲界陸路并折海計五百七十里自界首至象山縣二百四十五里

西南到台州寧海縣界五十里以杉木嶺爲界自界首至寧海縣七十里

東北到鄞縣界六十里以金峨嶺爲界自界首至鄞縣八十四里

西北到紹興府嵊縣界一百二十里以箬坑嶺

爲界自界首至崦縣一百三十里

風俗

右山左海土狹人稠日以墾闢爲事凡山巔水  
湄有可耕者累石塹土高尋丈而延袤數百尺  
不以爲勞仰事俯育僅僅無餘人窘於財亦憚  
於爲非富家大族皆訓子弟以詩書故其俗以  
儒素相先不務驕奢士之貧者雖儲無擔石而  
衣冠楚楚亦不至於垢弊大抵受性剛直任氣  
尚義吏胥則轉爲頑悍甚於他邑瀕海小民業  
網罟舟楫之利出沒波濤間變化如神習使然

也

**縣令**

趙察

唐元和十二年鑿縣北河邑人德之因名趙河十四年開白杜河凡溉民田一千二

頃百餘

李宗申

唐咸通六平建城隍廟

于房

皇朝景祐中廢石夫人之廟以增學宮

王泌

皇祐四年建北渡橋

裴士堯

治平三年徙學

盛穆仲

元豐五年嘗記石夫人之靈于碑陰

秦辨之

元祐六年徙社

周池

紹聖三年作勸  
學文刻于石

周因

宣和元年  
徙學

榮彞

左承議郎紹興九年  
月到任十一月滿

張汝揖

左奉議郎紹興十二年  
月到任十四年

劉清臣

右承議郎紹興十五年  
月到任十七年滿

陳泰初

右朝散大夫賜紫金魚袋紹興十七  
年八月到任十二月官觀

湯穆

左朝請郎紹興十九年三月到  
任二十一年五月十八日故

黃韶中

左承議郎紹興二十二年八  
月到任二十五年八月滿

向士俊

右宣教郎紹興二十五年八月二  
十五日到任二十八年八月滿

劉士寵

左奉議郎紹興二十八年八  
月到任三十一年八月滿

朱察右奉議郎紹興三十一年十月

李邦憲右奉議郎隆興元年八月二十

向士邁右通直郎乾道二年十一月二

郭忠順右通直郎乾道四年七月初九

謝峻右承議郎乾道七年八月二十

魏庭珙右奉議郎乾道八年十月二

蔡揆右通直郎淳熙元年四月十八

趙希仁宣教郎淳熙二年四月十三日

葉仲翺奉議郎淳熙四年七月二十八

蘇祁通直郎淳熙七年九月十一日

郭德麟

通直郎淳熙九年六月二十九日到任  
十二年八月七日蒲九月召赴都堂

審察

張燧

宣教郎淳熙十二年八月七日到任  
十四年四月內轉通直郎十五年七月內轉奉

議郎十月十二日蒲

傅伯益

宣教郎淳熙十五年十月十二日到任

胡恭

宋晉之

蔡幾

慶元三年十二月十一日到任  
五年三月二十二日通理前任三考得替

趙汝傑

通直郎慶元五年四月初四日到任  
嘉泰元年五月初四日到任

錢光祖

奉議郎嘉泰元年九月初四日到任



趙彥綰

奉議郎嘉泰四年十月初六日到任開禧三年十一月二十五日滿

陳梅安

宣教郎開禧三年十一月二十五日到任

馮多福

奉議郎嘉定四年三月十二日到任五年十二月轉承議郎七年六月十五日

蒲

孫顯懿

宣教郎嘉定七年六月十五日到任十年三月轉奉議郎七月十六日滿

黃庶

宣教郎嘉定十年七月十六日到任十二年三月轉通直郎十三年七月二十日

蒲

趙希觀

通直郎嘉定十三年七月二十四日到任十五年二月二十三日磨勘轉奉議

郎七月十八日該遇慶寶恩轉承議郎十六年六月十三日蒲

趙約

奉議郎嘉定十六年十月十三日到任

陳元晉

宣教郎寶慶二年二月二十二日到任

婁紹聃

宣義郎寶慶二年十一月初一日到任  
三年五月磨勘轉宣教郎

**社稷**

壇舊在縣南

皇朝元祐六年令秦辨之徙置

縣西南二百餘步

**城隍**

廟在縣西五十步唐咸通六年令李宗申建

**學校**

唐建夫子廟於縣東北三百步

皇朝景祐中

令于房廢石夫人廟以增學宮

治平三年令

裴士堯遷于縣東五十步久而圯今周因重建  
相陰陽之宜去舊址二十步而少西王禮記之

乃 宣和初元也未幾舍法罷學浸弛 建炎

間燬于兵 紹興九年令榮彝重建久復圯

慶元二年永嘉宋晉之爲令欲改創力未給邑

士汪伋與其弟份奉令意徹 大成殿及門廡

而新之益宏且堅更立 先聖先師十哲之像

從祀分列兩廡於是鄉之好學者相繼效力直

殿之後作堂曰彝訓東西四齋曰養正曰達材

曰成德曰升俊東齋之側有堂主文衡者居之

西齋之側有舍司學職者居之又西爲射圃三

門之左爲詠歸亭右則廩廡在焉墨池直門之

外汪氏兄弟浚而廣之方正清深學貫宇輝映始  
壯舊觀 嘉定七年今馮多福又築尚友亭於  
射圃之後每輟俸以養士且勸率鄉之賢有力  
者出產爲永業今此產遂供偕計續食之費而  
士之德馮令不忘也邑之先進樓公郁王公說  
士皆師之故并馮令祠焉學之更新攻媿樓鑰  
記之尚友堂成丞周勉記之

祭器二百三十六件

祭服三副

御書

寶慶訓敕士風御筆二軸一軸漕司頒下  
一軸本府頒下

錢糧

米二十七石二斗七升三合

穀三百六十石三斗七升四合

租錢七十六貫八百二十四文

義廩供借計續  
食之費

穀六百八石九斗八升五合

麥五石三斗七升

租錢七十六貫七百四十文

城郭

縣城周環六百四十八丈

**坊巷**

雙桂坊

乾道五年為王時會與弟時叙聯名登第立

狀元坊

嘉定十四年為何大圭兩優釋褐立

**倉庫務場等**

倉

城內縣聽之西南

庫

縣麻

酒稅務

縣東北四里大中祥符六年建大

教場

縣尉聽前

居養院

縣東北元符二年六月建

安濟坊

縣東北五里 崇寧二年九月建

漏澤園

縣西北十里 崇寧四年二月建

**公宇**

縣樓門

今婁紹 縣重建

縣聽

建炎四年燬于亂兵 紹興十三年令榮彝重建

仁平齋

聽事之東 令榮彝建

龍溪道院

仁平齋之南 今榮彝建 舊曰道愛堂後更名

恕堂

聽事之西 獄次側 今榮彝建 聽政折獄之便坐也 嘉泰間趙彥縮為令 邑人吳懋

為縣家尊理獄室又 以其餘材重建此堂

鎮東樓

縣東北四里市之心 先是惠政橋成壯麗為一邑冠 陰陽家去無以厭之 恐有



鬱收之變未幾果驗  
定中今馮多福乃建此樓  
嘉

**官僚**

丞聽事縣治之  
東南十步

主簿聽事縣治之西有堂曰  
樓鸞西北有山亭今廢

尉聽事縣治西

監酒及稅共一負聽事鎮東  
樓之北

公塘巡檢聽事縣西北三十里公塘市中舊地  
名高公塘唐文德元年置鎮民戶買

撲名課管納官錢  
添置巡檢駐劄巡捕私茶鹽礬盜賊  
皇朝熙寧六年

等事慶元四年罷  
鎮稅止存巡檢

鮎埼鎮監官鎮在縣南六十里即漢鮎埼鎮也  
監官聽事在表村市中劄置本末

# 鮎埼寨巡檢

下見

寨在鎮北五里聽事在漂溪  
定七年尚書省劄節文白劄子

奉化縣管下地名戰埼袁村皆瀕  
大海商船往來聚而成市十餘年

來日日益繁盛邑人比之臨安謂小  
江下去縣五六十里南隔山嶺海

瀕習俗素悍富者開團出船藏納  
亡賴強招客取貧者奪攘闖毆雄

霸一方動致殺傷縣道前來擇有  
事力者委充舉長未能借之鈐束

反以資其武斷前任趙知縣曾具  
申諸司乞置巡檢一員在彼彈壓

愚意謂若差武臣反與豪徒為市  
欲乞倣東陽例增置縣尉一員本

處有敗闕坊場令本府給本就委  
所置官措置興復趁辦課額之外

其餘以贍吏兵既可以防海道亦  
可以鎮獷俗右劄付沿海制置司

從長相度申尚書省時提刑程覃  
 攝事申契勘慶元府在城都酒務  
 有監官六員內文資四員武職二  
 員若據向來置比較務贍軍係省  
 三務各立二員分管酒額因不為  
 冗後來既將三務併而為一摠納  
 名課所謂六監官因循到今不曾  
 減省委為贖濫及照得本府西門  
 外有都巡檢一寨額管軍兵一百  
 二十人本地分既不邊海止是城  
 外巡警鄉村盜竊及承受追會事  
 件而已此來欲乞從朝廷割下  
 本府於城下都巡檢寨分撥土軍  
 五十名移屯戰埒只就開禧年  
 間踏逐到漂溪職租地起蓋軍房  
 以慶元府戰埒巡檢寨為名仍於  
 都務監酒內選撥有材能文武官  
 各一員並存監酒舊街內文官帶  
 兼管戰埒煙火公事武官帶兼充  
 戰埒巡檢十二月二十八日奉

聖旨令慶元府奉化縣置戰崎鎮  
 寨從事郎吳邦猷改差監戰崎鎮  
 兼煙火公事成忠郎程奕世改差  
 戰崎鎮巡檢其慶元府酒官六員  
 內省罷兩員已差人並令赴吏部  
 別行注授今後戰崎監鎮巡檢令  
 吏部依條格使關餘依是年於漂  
 溪置軍房天王堂門樓射亭共五  
 十五間巡檢廨宇一十四間戰崎  
 本鮎崎因白劄子誤為戰崎續申  
 請正舊名漢書顏師古注去鮎音  
 結蚌也長一寸廣二分有一小蠟  
 在其腹中崎曲岸也其中  
 多鮎故以名亭崎鉅依反

**驛鋪**

剡源驛

縣東北五里驛前即航船步也温台步  
 來者即此而登舟明越舟來者至此而

陸出

龍津館

縣東北四里西市之東惠政橋之西  
臨大溪側嘉定中令馮多福建

登陸館

縣東三里市南門之側令馮多福建孫  
興公賦登陸則四明天台故取以名

縣鋪

北至南渡鋪二十五里  
南至雙溪鋪二十五里

南渡鋪

北至北渡鋪二十  
五里內五里折江

北渡鋪

北至鄞縣擦社  
鋪二十五里

雙溪鋪

北至縣鋪二十五里南  
至固海鋪二十五里

固海鋪

南至台州寧海縣界  
海口鋪二十五里

**叙山**

四明山連會稽接天台跨慈溪鄞及縣境詳載

郡志

丹小山縣西五十里四明山之南屬剡源鄉之  
三石村上有二洞洞如廣廈中可容五六十  
人有深穴可容人身昔有入者行幾半日聞  
水聲如雷而返水涓涓岩罅間其流迹皆赤  
色下有龍湫民築亭于其下爲旱暵雲禱之  
所有巖竇風從其竇出常飈飈有聲身絕無  
暑冬則凜凜不可近俗號風洞按雲笈七籤  
云四明洞天治丹山赤水在會稽上虞縣四  
明山舊屬會稽郡而丹山去上虞不一二十  
里雲笈七籤所志蓋以洞天舊所屬故云然

桃花坑山縣西五十里四明山之上二十里雲  
之南也山巖壁立數仞延袤數百尺巖色紅  
白相間隱映出沒狀如桃花之初發故以名  
之四山環繞宛如盤谷中有平田數百畝昔  
太白禪師納交孤竹君之裔飛錫于此擇其  
地而居之留偈云昔是神仙窟今爲長者居  
定須攀月桂宜教子孫書嗣王伯圭來守此  
邦因太白偈訪其後乃得竺君汝舟者覽山  
川之勝嘆先賢之裔嘉獎形諸尺牘端憲沈  
公煥誌其事藏竺氏家

毛巔嶺縣西六十里四明山之南接大小晦崎  
嶇澗谷行者艱阻 紹熙初有毛居士者鑿  
崖以便民旅之往來竺君大本題其崖曰鑿  
破巖崖砥樣平要令民旅得通行爲君題作  
毛巔嶺留取毛巔千古名

鎮亭山縣西南一百里漢地理志云鄞有鎮亭  
其原來自四明山由西北而南踰剡諸山而  
至鎮亭西界于越南入于天台故其鄉爲連  
山其巔盤結數峯高入蒼蒼莽旁有龍潭即顯  
濟龍王廟也詳見叙祠



東坑嶺縣西南六十里北爲蓬島南爲石樓西  
爲察廉岡界于松林連山二鄉之間其道西  
通婺女北通會稽南入天台東歸四明奉化  
爲邑西北多山而此嶺又爲衆山之最高者  
縈紆鳥道盤曲羊腸足且不可駐况負戴者  
平里有義士屠師禹盡斃以石西九百五十  
丈東八百九十丈人甚德之

蓬島山縣西南四十里其原來自四明山重崗  
複嶺繚繞縣亘自剡之西南至于鎮亭由鎮  
亭之東北是爲蓬島肥厚雄壯不露峯角兀

然獨冠諸山北爲安巖之翠峯南爲石樓之  
赤巖過松木嶺入于天台即四明記云南嗣  
天台北通越是也臨其巔俯視數百里之外  
滄海微茫煙林縈帶城邑聚落了然在目

崇寧間有尼結廬於其肩號曰師姑平今其  
故塔遺井瓦礫塼石猶存山之側爲後萊山  
谷間有龍湫爲鄉邑雩禱之所閩風劉次高  
有詩云軋軋肩輿過翠微路經蓬島鎖煙霏  
雨從半嶺巖窩高出雲在行人脚下飛

徐無巖在雪竇之西相距十五里重崖峭壁數

百仞瀑布飛下冬夏不絕巖之下有神龍所  
宅俗傳爲如浮巖以巖浮澗谷上故名上爲  
鞠猴巖有三大字刊于石王時會有詩云絕  
壑攬空雲與平橫飛寒瀑萬年聲杖藜平過  
人間險獨向千山頂上行

安巖縣西南三十里來自四明山有寺舊名四  
明院有二巖虛懸絕澗中有大龜圓廣三尺  
許出入則風雨隨作其背鐫云安巖山靈龜  
或到浙右諸州故鐫以誌之後因洪流湍激  
陷死巖下今留其殼爲寺中交割

翠峯縣西南三十里爲安巖山華嚴禪院之案  
山此峯高入蒼莽冠絕諸峯古木蒼蒼下臨  
大池寺之東偏有亭曰覽秀晚對之如畫屏  
環列

童公嶺縣西南六十里西爲杉木嶺東爲柵墟  
嶺道通寧海爲台州之界首 建炎間聚鄉  
民立寨以策應柵墟

柵墟嶺縣南六十里爲台明之界 建炎間立  
寨於此聚鄉民守戍官差將領以監之號南  
來第一寨今其遺跡皆在西通童公嶺東控

鮎埼海道是亦一要衝也

新嶺乃忠義一鄉往來邑治之路舊無此路新開五六十年嶺峻而長絕頂爲中道有天然石磴盤石上有天然石汗尊泉出甚冽杯飲止滿一人之欲行者以次飲而未嘗竭率謂無此則人皆道暍云

天門山縣南六十里鮎埼亭之東岸大海海外列障排空有兩山對峙高入蒼蒼莽南亞于海俗號引頭門北連棲鳳樓真諸山而入于大洋按地理志會稽鄞縣東南有天門水入于

海有越天門山陶弘景真誥云天門在鄞縣之南寧海之北半亞于海鄞縣舊治奉化故

云然據本縣所載如此而象山亦載天門山奉化象山皆古鄞地望海中之山皆可

為天門也

梅山縣南二十五里東為登山有僧廬曰禪寂

為壽禪師道場南為鳴鴈管管之上峯巖竒

秀鄉之顯仕丘壠多藏焉山之西號丁令威

俗傳令威嘗化鶴止此有丹井在其旁一勺

之泉常隨海潮上下父老傳以為海眼攻媿

樓公鑰有詩云峯頭丹井隨潮信松下禪床

舊祖關蓋紀此也北則環以大溪其山四斷  
兀立衆山之中或謂漢之梅福嘗游此因得  
名今其山之下每遇大雷雨則出小石圓如  
梅子剖之亦有核其名又或因此也上有龍  
湫爲鄉邑雩禱之所

回峯洞縣東南十五里

吳郎山縣東南一十里

鄞城山縣東五十里古鄞城在其下故名舊志載赤

董山在鄞縣東四十里云山有草曰赤董鄞  
縣以此爲名而加邑焉會稽記云昔歐冶造  
劍於此山名泗若耶而採銅破赤董而取錫  
今考鄞境內無此山本以山名縣則鄞城山

即赤堇山也舊志以今鄞為古鄞故載之於鄞縣

謝家洞縣東二十五里其洞虛圓雖炎敲之月  
凜然猶寒其下如廣厦可容百餘人俗傳有  
大白蛇藏其間隱見不常左有一峯曰福堆  
山右即筆架峯也

筆架峯縣之下郝村其峯萃岼宛如筆架之狀  
雲霧興則必雨有一龍祠名祭山

燕巖在江口塔山之上杜後燕子穴於其間因  
以得名

南山縣東五里東為栲栳山西為龍潭山其山



四斷邑之舉子嘗以此山之鳴驗科甲之高  
下初一鳴而王國定爲武舉之鼎魁再一鳴  
而何大圭以兩優解褐里語所傳不可謂之  
無驗其上爲南山寺臨其巔有軒曰廣莫登  
臨眺望山川城邑千里之外了然在目故攻  
魏樓鑰有詩云廣莫乘風隘九州亂山無數  
點平疇一千里外在吾目二十來年無此游  
地下山高俱歷歷鳶飛魚躍兩悠悠昌黎費  
盡南山句曠望還應似此不  
漢城山縣東北十五里其山頂平廣可容數千

人無荆榛叢林其堡壘之狀歷歷可睹斲土  
者或得古兵器世傳漢王避難之處又云劉  
晷屯兵之處然漢高祖光武及五代劉晷皆  
未嘗至此舊志以西漢建元三年嚴助發會  
稽兵圍東甌元鼎六年韓說出句章擊東甌  
領漢兵駐此故得名然嚴助韓說擊東甌皆  
浮海此山去海幾百里何由於此駐兵按此  
山與霸王山相對上有播鼓巖蓋五代間鄉  
聚民兵屯駐自相雄長而爲是稱耳不必強  
求以合其名也

新婦巖縣西北五里累石而成肖像稍類人夏  
侯曾先地志云西北臨溪水其石五色望之  
頗似花鈿新婦首飾故曰新婦巖今西北巖  
無溪石亦無五色即所封昭德夫人者也

銅山在縣西北十五里按唐志云奉化析鄭置  
有銅此山蓋以所產名也俗傳昔有樵夫入  
山蒲目皆金寶意欲拾取之倏有神人杖劍  
而出皇駭奔走頃之旋顧悉不見矣

舊志載赤莧山在縣東北二十里夏侯曾  
先地志云亭頭有赤莧山上有盤石可坐

千人秦始皇遣徐福求訪神仙嘗至此或云昔有赤莧仙人嘗居此山因以名焉今考縣境無此山

**叙水**

渠堰澳閘橋  
梁津渡附

**水**

鎮亭水縣東南三里其泉源來自越之諸山絕頂匯為鎮亭潭徑三丈上圓下廣不以旱曠而枯莫測其深去縣九十里世傳與海相通其流過栢溪經窄巖出西溪由綠荷灘入惠政橋下繞連山松林奉化長壽四鄉凡七十

二堰漑田甚博接大江之流北至鄞入于海  
趙河縣北二十五里唐元和十二年縣令趙察  
開漑長壽民田凡八百餘頃邑人德之因以  
名河

蕪湖縣北一十五里

寺後湖縣北五里

隱潭縣西北五十里潭居兩巖之下兩巖相抗  
壁立數百仞仰以窺天僅如數尺瀑泉如練  
循崖而落水寒石潔聳人毛骨每遇亢旱禱  
其潭有小蛇出沒旋應如響

皇朝嘗遣中使投金龍玉簡於潭以祈靈貺  
皇祐中杜說記之

白魚潭縣西北二十里

靈泉縣西二十里日嶺下寶林院泉源一穴不  
以大旱而枯不以大浸而溢下蔭萬家其深  
無底俗傳謂之海眼

靈濟泉舊名包家泉縣西南一里俗傳昔有牧  
童澣衣於泉得巨鰻持歸齧爲九段烹之釜  
中良久不見急往泉所視之而鰻成九節復  
游泉中邑人皆鑿之

皇朝元豐七年令向宗諤開浚其泉䟽於石  
竇深不盈尺不爲水旱而盈涸歲旱禱之所  
謂九節鰻者出現則甘澤立應 宣和中令  
周因植亭其上榜曰靈濟有碑紀其異

鰻魚潭縣西南四十里蓬島後萊山谷間南與  
石樓山烏潭相望東爲東山玉沙井北直安  
巖山白巖窩皆旱暵雲禱之所潭徑二丈餘  
深廣如之其流縈繞於松林金溪二鄉溉田  
甚博出于富壩港與鎮亭水合而入于江  
國朝祥符間有漁者泐流擲釣至潭所俄有

魚隨鉤而上五色爛斑而有二翼漁者駭然  
急棄于潭歸語鄉人人未之信翌日有紅光  
燭天人猶疑之會歲大旱鄉人合道釋巫覡  
鳴鑊槌鼓以迎之俄有小鱉如線躍立於巖  
壁間隨取而歸未出山而雨大至歲則大熟  
於是鄉之父老相率爲建祠宇立龍王像自  
是台明之禱者不遠數百里駢集 淳熙間  
歲甚旱鄉人三沐三熏一拜一禮之周  
日夜而後至潭所黎明未得所請忽有大蛇  
紅質黑斑兩目如金其光爍爍周回以視人



人益驚懼蜿蜒歷於巖罅間截水上流食頃  
投于淵而莫知所在是歲雖赤地千里而此  
鄉獨蒙其利歲得下熟蝦音役今俗呼爲翼  
嶠潭縣南三十里

幽欄潭縣東南一十五里

馬嶺泉縣東三十里

白杜河縣東三十里唐元和十四年縣令趙察  
開漑金溪民田凡四百餘頃

新婦湖縣東五里

耀碑潭縣東一里俗傳有賢宰政清則其流澄

清

透錡泉耀碑潭之東其水蓄之以甃器而水透  
器外故以爲名有痼疾者飲之即愈

清甘泉縣城內雖遇久旱不涸色清甘因以得  
名令馮多福嘗記之

**渠堰壩閘**

蕁湖塘小閘縣北七里

砂堰壩縣北一十五里

進林小閘縣北二十里

大馬壩縣北二十里

劉大河礮縣北二十五里

皇朝熙寧間邑人王元章之祖出力創建其  
後寢廢 建炎二年元章有請於縣重修焉

朴木礮縣北二十五里

下塘礮縣北三十里

吳山礮縣北三十里

吳家礮縣北三十里

崑山礮縣北三十里

大歐礮縣北五十五里

常浦礮在北渡之南距縣三十五里界于鄞縣

兩縣三鄉所仰之水利也

進林礮縣東北長壽金溪兩鄉通漑鄞之鄞塘  
民田數千頃

皇朝紹興十三年重修

資國礮縣南五里

普平港口閘縣南一十五里

王莊礮縣南二十里

新溪礮縣東十五里

考到礮縣東二十里

湖芝礮縣東二十里

錢堰礮縣東二十五里

**橋梁**

縣橋

縣東南一十步 皇朝太平興國八年建  
宣和初令周因重建立亭其上榜曰嘉會

建炎兵燬  
亭廢橋存

慶登橋

縣東二里舊名謝鳳橋一曰東橋  
皇朝淳化二年建 政和八年令周因

立亭其上榜曰豐樂 紹興十九年重  
建改今名舊志載世傳布袋和尚澡身

橋下一鉢隨流而漂招之即回至今逆  
流按此水之源來自縣西黃牛村自西

流東過石闌至西河其流自此而南僅  
百餘步合于方礮而入于溪此蓋水勢

所趨非  
逆流也

新橋

縣東三里先是溪流溢涸無常橋以石為  
步疏其流若古之七星橋然上流漲則

石轉移下潮長則步漸濕民常病之  
 定中令馮多福疊石為柱前銳後平以破  
 水勢豆版其上上流漲則踰橋而過橋不  
 為動下潮長則不及橋之版者常一二尺  
 往來  
 始便

### 東市石橋

縣東四里 皇朝端拱元年建  
 和中置亭其上 改曰通濟 建炎兵  
 燬亭廢  
 橋存

### 新婦湖橋

縣東五里湖頭有新婦祠故名  
 皇朝紹興二十一年建上覆以屋  
 而圯邑人修職  
 郎汪伋重修

### 惠政橋

縣東北三里舊名善勝又名通刻  
 皇朝乾隆二年建後為洪水所壞  
 觀中重建改今名校官顧文記之架木  
 為梁覆以厦屋率十稔一易 開禧初  
 令趙彥縮因民之弗堪告之曰與其累  
 修而累壞孰若一勞而永逸民勸趨之

隨巖高下協力鳩工易之以石下為雙  
洞又有小洞以泄怒水高廣十倍于前  
車馬往來如履平地兩旁護以石欄東  
西接兩市南路入又台北路通明越  
嘉定四年令馮多福猶以兩堤未堅續  
復甃之賦詠者甚多有題洞底者田鑿  
開蒼壁玉稜層疊作溪橋兩洞成影落  
波心雙月合光含石眼一星明黿頭近  
接東西市鯨背平分南北程須信  
巨川從此濟區區溱洧浪傳名

### 下霍橋

縣東一十五里

### 光德橋

縣北二十里俗名江口橋四明之水來  
自越經大小晦山過公塘出泉口而合

于大江故曰江口上接奉化港下迎北  
渡潮道為明越要衝而水湍激澎湃舟

渡多沉溺秉義郎李珂家其側捐廩建  
橋長二百三十尺廣二十尺慮他日朽

腐豫儲倉粟其子孫以時修治張嗣良  
記之後為洪潦所壞不治者八年李氏

復修之而力不逮修職郎汪俊嗣成之  
通水凡九道覆以厦屋二十有六楹乃

紹熙三年也宣  
教郎王時會記

### 廣濟橋

縣北二十五里俗名南渡橋在市中  
皇朝建隆二年僧師悟始建土橋其後

邑士徐覃易之以木  
重建長三百尺闊三丈高視闊倍之中

紹熙四年主簿李肅重建又復圮  
圮紹聖四年邑人修職郎江俊捐已費又

新之甃兩岸立石柱乃布板其上覆以  
夏屋高廣堅麗覆之如平地望之若晴

虹朝生潮落舟  
人率艤纜于此

### 常浦橋

縣北三  
十五里

### 津渡

### 東宿渡

縣東六十里自此發舟折海二  
百里兩潮而至象山陳山渡



袁村渡

縣東南五十里自此發舡兩潮至陳山渡

北渡

縣北五十里界于鄞舊係民間買撲負擔而渡者率困于篙師之多取慶元中邑

人修職郎汪伋白于郡以私帑先與之抱納官錢復自造巨舟廩給渡頭一家以王

之往來負擔者人取錢三文以充輸官之用士夫僧道則免迨今四十餘年人甚便

之倉使齊碩攝郡時有聞官攬撲者守胡槩至謂本自汪氏為利民計俾仍舊

南渡

縣北二十五里舊以舟渡後易以橋見橋梁明

官江渡

施家渡

叙產

土產已見郡志布帛之品惟此邑之純輕細而

密非他邑所能及若星嶼之江蟪鮎埼之蝮蛇  
 雙嶼之班鯪袁村之魚鮓裏港之鱸魚霍鼠之  
 香螺橫山之吹沙魚雪竇之榧子城西之楊梅  
 泉溪之燕笋公塘之柿栗杖錫之山芥沙堰之  
 薯藥皆其特異者也



奉化縣志卷第一

